

太微直上寥天界動靜風調鳴竽籟

太微上界所有風搖皆如笙竽之韻如極樂之所自然如此也

殿閣穹崇何杳隗

杳隗謂虛峻極也殿閣重數甚多宏壯尤麗也

壽永衣輕人體大九天各各皆相倍

九天羽服儀仗各各相次加倍羽衣轉輕人體轉大彩翠鮮華日月轉適長遠也

是爲因心得自在

因心運身得出三界

道藏輯要

雲笈七籤

卷二

參集三
川文川

靜理修真爲聖人九行門空列章戴

夫九行者道人之窟宅動息住持不離其內一者以慈愍爲衣二者以止捨爲食三者以正心爲乘四者以專志爲才五者以謙下爲牀六者以順義爲器七者以勤惠爲屋八者以修空爲宅九者以陰施爲業修道之子不持此九行去道疎矣

九行空門章第十七

九行空門至真路大道不與人爭怒動息能持勿暫停陰神返

照神常助

持心不息其道易成

諸行無心是實心因心運得歸天去

無心之心因心運心雖無有心還因心有

除苟無心是謂真

眾事曰苟無事曰除除心止念萬行歸余

自隨胎息入天門

胎息以善行為要機無念為至路

玄元正理內藏身無曲潛形體合真

洞玄經曰心無曲萬神足

三部清虛元氣固六府翻成百萬神

三元靜六府調真氣歸於真行二理相合五藏六府諸神共

道藏輯要

雲笈七籤

卷

參集二

有百萬自然相和應也

六府萬神章第十七

六府萬神恆有常

五藏六府百關九節有神百萬若日常清淨修之即當自見

元和淨治穀實盡

但以元氣攻運何穀氣之不去

大腸之府主肺堂

肺為首三焦之主

中有元神內隱藏

藏府既淨萬神自藏故大明經曰大腸主肺也鼻柱中央為